



24 ივლისი, 2026 წ.

ბრძანება №01-02/143

**ბსუ-ს რეზიდენტურის ალტერნატიული დიპლომისშემდგომი განათლების
(პროფესიული მზადების) სარეზიდენტო პროგრამაზე „ორთოდონტია“ მიღების
გამოცხადების შესახებ“ ბსუ-ს რექტორის 2026 წლის 20 ივლისის №01-02/140
ბრძანებაში ცვლილების შეტანის შესახებ**

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „რეზიდენტურის ალტერნატიულ დიპლომისშემდგომ განათლებაში (პროფესიულ მზადებაში) მონაწილეობის, მისი წარმართვისა და შეფასების წესისა და იმ სამედიცინო დაწესებულებების ან/და სასწავლებლების აკრედიტაციის კრიტერიუმების და წესის დამტკიცების შესახებ, რომლებშიც შესაძლებელია დიპლომისშემდგომი განათლების (პროფესიული მზადების) კურსის გავლა“ საქართველოს შრომის, ჯანმრთელობისა და სოციალური დაცვის მინისტრის 2009 წლის 8 აპრილის №135/ნ ბრძანების, „დიპლომისშემდგომი განათლების (პროფესიული მზადების) პროგრამების განხორციელების წესის დამტკიცების შესახებ“ **ბსუ-ს აკადემიური საბჭოს 2010 წლის 23 დეკემბრის №135 დადგენილების**, „ბსუ-ს რეზიდენტურის ალტერნატიული დიპლომისშემდგომი სამედიცინო განათლების (პროფესიული მზადების) პროგრამებზე **სწავლის საფასურის გადახდის წესის** დამტკიცების შესახებ“ ბსუ-ს ადმინისტრაციის ხელმძღვანელის 2020 წლის 11 მარტის №01-10/36 ბრძანების, „რეზიდენტურის ალტერნატიული დიპლომისშემდგომი სამედიცინო განათლების (პროფესიული მზადების) სარეზიდენტო პროგრამის „ორთოდონტია“ განხორციელებისათვის გასატარებელი ღონისძიებების შესახებ“ ბსუ-ს აკადემიური საბჭოს 2026 წლის 2 აპრილის №06-01/42 დადგენილების, ბსუ-ს სარეზიდენტო პროგრამისათვის „**ორთოდონტია“ პროფესიული განვითარების საბჭოს 2026 წლის 20 ივნისის №11 გადაწყვეტილებით აკრედიტაციის მინიჭების შესახებ**“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სამედიცინო და ფარმაცევტული საქმიანობის რეგულირების სააგენტოს წერილის (REG 0 26 00883766, 01/07/2026 წ., ბსუ-ში შემოსვლის №867120, 06/07/2026 წ.), „რეზიდენტურის ალტერნატიული დიპლომისშემდგომი სამედიცინო განათლების (პროფესიული მზადების) პროგრამებზე (სტომატოლოგიის მიმართულებით) სწავლის საფასურის, პერსონალის შრომის ანაზღაურებისა და პირველადი ხარჯთაღრიცხვების დამტკიცების თაობაზე“ ბსუ-ს ადმინისტრაციის ხელმძღვანელის 2026 წლის 16 თებერვლის №01-10/12 ბრძანების, ბსუ-ს საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივი დეპარტამენტის ხელმძღვანელის სამსახურებრივი ბარათის (MES 1 26 0000951689, 20/07/2026 წ.) საფუძველზე,

ვბრძანებ:

1. „ბსუ-ს რეზიდენტურის ალტერნატიული დიპლომის შემდგომი განათლების (პროფესიული მზადების) სარეზიდენტო პროგრამაზე „ორთოდონტია“ მიღების გამოცხადების შესახებ“ ბსუ-ს რექტორის 2026 წლის 20 ივლისის №01-02/140 ბრძანებაში **შევიდეს ცვლილება, კერძოდ:**

ა) ბრძანების №1 დანართის (სარეზიდენტო პროგრამაზე „ორთოდონტია“ ჩარიცხვის მსურველის სააპლიკაციო განცხადება) **გრაფის „აპლიკანტის განცხადებაზე თანდართული დოკუმენტები“ მე-3 პუნქტი ჩამოყალიბდეს შემდეგი რედაქციით:**

„3. მაძიებლის მოწმობის ნოტარიულად დამოწმებული ასლი (ან ცნობა) ან დამოუკიდებელი საექიმო საქმიანობის სერტიფიკატი შემდეგ სპეციალობაში: „თერაპიული სტომატოლოგია“ ან „ორთოპედიული სტომატოლოგია“ ან „ყბა-სახის ქირურგია.“.

ბ) ბრძანების №2 დანართის (მიღების გამოცხადების შესახებ განცხადება) მე-2 პუნქტის „გ“ ქვეპუნქტი ჩამოყალიბდეს შემდეგი რედაქციით:

„გ) მაძიებლის მოწმობის ნოტარიულად დამოწმებული ასლი (ან ცნობა) ან დამოუკიდებელი საექიმო საქმიანობის სერტიფიკატი შემდეგ სპეციალობაში: „თერაპიული სტომატოლოგია“ ან „ორთოპედიული სტომატოლოგია“ ან „ყბა-სახის ქირურგია.“.

2. წინამდებარე ბრძანებით შეტანილი ცვლილებების გათვალისწინებით ბსუ-ს რექტორის 2026 წლის 20 ივლისის №01-02/140 ბრძანების №1 და №2 დანართები ჩამოყალიბდეს ახალი, წინამდებარე ბრძანებაზე **თანდართული რედაქციებით.**

3. ბრძანება გამოქვეყნდეს ბსუ-ს ვებგვერდზე.

4. სარეზიდენტო პროგრამის ხელმძღვანელმა უზრუნველყოს ბსუ-ს რექტორის №01-02/140 ბრძანების №1 და №2 დანართების განახლებული რედაქციების ბსუ-ს ვებგვერდზე განთავსებისათვის საინფორმაციო ტექნოლოგიების სამსახურისათვის წარდგენა (web@bsu.edu.ge).

5. ბრძანება დაეგზავნოს ბსუ-ს შესაბამის სტრუქტურულ ერთეულებს: საბუნებისმეტყველო მეცნიერებათა და ჯანდაცვის ფაკულტეტს, ბსუ-ს საქმისწარმოების სამსახურს (კანცელარია), საფინანსო-ეკონომიკურ დეპარტამენტს, იურიდიულ დეპარტამენტს და საინფორმაციო ტექნოლოგიების სამსახურს.

6. ბრძანება ამოქმედდეს ხელმოწერისთანავე.

7. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. №30).

ბსუ-ს რექტორი



ტიტე აროშიძე

„ბსუ-ს რეზიდენტურის ალტერნატიული დიპლომისშემდგომი განათლების (პროფესიული მზადების) სარეზიდენტო პროგრამაზე „ორთოდონტია“ მიღების გამოცხადების შესახებ“ ბსუ-ს რექტორის 2026 წლის 20 ივლისის №01-02/140 ბრძანებაში ცვლილების შეტანის შესახებ“

ბსუ-ს რექტორის 2026 წლის 24 ივლისის №01-02/143 ბრძანების დანართი

(ბსუ-ს რექტორის 2026 წლის 20 ივლისის №01-02/140 ბრძანების №1 დანართის ახალი რედაქცია)

ბსუ-ს რეზიდენტურის ალტერნატიული დიპლომისშემდგომი განათლების (პროფესიული მზადების) სარეზიდენტო პროგრამაზე „ორთოდონტია“ ჩარიცხვის მსურველის სააპლიკაციო განცხადება	
სახელი და გვარი	
პირადი ნომერი	
დაბადების თარიღი	
მოქალაქეობა	
ფაქტობრივი მისამართი	
ტელეფონი	
ელფოსტა	
მსურს ჩავირიცხო ბსუ-ს რეზიდენტურის ალტერნატიული დიპლომისშემდგომი განათლების (პროფესიული მზადების) სარეზიდენტო პროგრამაზე „ორთოდონტია“	
ბსუ-ს რეგულაციების გაცნობის შესახებ აპლიკანტის დადასტურება	
აპლიკანტი აცხადებს, რომ წინამდებარე სააპლიკაციო განცხადების წარმოდგენამდე გაეცნო ბსუ-ს ეთიკის კოდექსს, ბსუ-ს შინაგანაწესს (რომელიც პროგრამაზე ჩარიცხულ პირთან/სპეციალობის მამიებელთან ხელშეკრულების გაფორმების შემთხვევაში განიხილება ხელშეკრულების განუყოფელ ნაწილად), ბსუ-ში პერსონალურ მონაცემთა დაცვის პოლიტიკას (აღნიშნული და ბსუ-ს სხვა რეგულაციები განთავსებულია ბსუ-ს ოფიციალურ ვებგვერდზე - www.bsu.edu.ge, ველში - „იურიდიული ცნობარი“)	
ვადასტურებ ხელმოწერით: _____	
პერსონალური მონაცემების დამუშავებაზე აპლიკანტის (შემდეგში - მონაცემთა სუბიექტი) წერილობითი თანხმობა	
აპლიკანტი (მონაცემთა სუბიექტი) აცხადებს თანხმობას, „პერსონალურ მონაცემთა დაცვის შესახებ“ საქართველოს კანონის და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით დამუშავდეს მისი პერსონალური მონაცემები (სახელი, გვარი, პირადი ნომერი, ელფოსტის მისამართი, ტელეფონის ნომერი, საცხოვრებელი მისამართი, ფოტო, მიღებული განათლება, ჩაბარებული საკვალიფიკაციო გამოცდის შედეგები), ამ განცხადებაში აღნიშნულ პროგრამაზე ჩარიცხვის მიზნებისათვის და პროგრამაზე ჩარიცხვის შემდეგ, პროგრამის სასწავლო პროცესის მიზნებისათვის. აპლიკანტი (მონაცემთა სუბიექტი) ადასტურებს (აცხადებს), რომ ინფორმირებულია მისი პერსონალური მონაცემების შენახვის ვადების თაობაზე, კერძოდ, მისი პერსონალური მონაცემები დამუშავდება და შეინახება ამ განცხადებაში აღნიშნული მოთხოვნის განხილვა-დამუშავების, აპლიკანტთან საგანმანათლებლო მომსახურების ხელშეკრულების გაფორმების და პროგრამაზე ჩარიცხვის შემთხვევაში, ასევე სასწავლო პროცესთან დაკავშირებული (საგანმანათლებლო მომსახურება) სამართლებრივი	

ურთიერთობის პროცესში მონაცემების დამუშავების ლეგიტიმური მიზნის მისაღწევად აუცილებელი დროით, ბსუ-ს სამართლებრივი აქტებით და საქართველოს კანონმდებლობით განსაზღვრული ვადით და წესით.

აპლიკანტი (მონაცემთა სუბიექტი) აცხადებს, რომ ინფორმირებულია მონაცემთა სუბიექტის უფლებების შესახებ, რაც მათ შორის გულისხმობს უფლებამოსილებას, მიიღოს ინფორმაცია მის შესახებ ბსუ-ს მიერ დამუშავებულ მონაცემებზე, მოითხოვოს მათი გასწორება, განახლება, დამატება, დაბლოკვა, წაშლა ან განადგურება, თუ აღნიშნული მონაცემები არასრულია, არაზუსტია, არ არის განახლებული ან მათი შეგროვება და დამუშავება განხორციელდა „პერსონალურ მონაცემთა დაცვის შესახებ“ საქართველოს კანონის მოთხოვნათა დარღვევით.

გადასტურებ ხელმოწერით: _____

აპლიკანტის განცხადებაზე თანდართული დოკუმენტები

1. პირადობის მოწმობის (ან პასპორტის) ასლი;
2. უმაღლესი სამედიცინო განათლების მიღების დამადასტურებელი დოკუმენტი (დიპლომის ნოტარიულად დამოწმებული ასლი ან ცნობა);
3. მაძიებლის მოწმობის ნოტარიულად დამოწმებული ასლი (ან ცნობა) ან დამოუკიდებელი საექიმო საქმიანობის სერტიფიკატი შემდეგ სპეციალობაში: „თერაპიული სტომატოლოგია“ ან „ორთოპედიული სტომატოლოგია“ ან „ყბა-სახის ქირურგია“.
4. ავტობიოგრაფია (CV);
5. ფოტოსურათი, ზომით 3x4 – 2 ცალი;

განცხადების წარმოდგენის თარიღი
(რიცხვი, თვე, წელი)

აპლიკანტის ხელმოწერა:

„ბსუ-ს რეზიდენტურის ალტერნატიული დიპლომის შემდგომი განათლების (პროფესიული მზადების) სარეზიდენტო პროგრამაზე „**ორთოდონტია**“ მიღების გამოცხადების შესახებ“ ბსუ-ს რექტორის 2026 წლის 20 ივლისის №01-02/140 ბრძანებაში ცვლილების შეტანის შესახებ“

ბსუ-ს რექტორის 2026 წლის 24 ივლისის №01-02/143 ბრძანების დანართი

(ბსუ-ს რექტორის 2026 წლის 20 ივლისის №01-02/140 ბრძანების №2 დანართის ახალი რედაქცია)

1. ბსუ-ს რექტორის ბრძანებით **გამოცხადდა მიღება** ბსუ-ს საბუნებისმეტყველო მეცნიერებათა და ჯანდაცვის ფაკულტეტის რეზიდენტურის ალტერნატიული დიპლომის შემდგომი განათლების (პროფესიული მზადების) სარეზიდენტო პროგრამაზე „**ორთოდონტია**“ (ხანგრძლივობა - 22 თვე), მისაღები კვოტა - 6 ადგილი.
2. **კონკურსანტის მიერ წარმოდგენილი უნდა იქნეს შემდეგი დოკუმენტაცია:**
 - ა) სააპლიკაციო განცხადება (ჩამოტვირთეთ თანდართული ფორმა - პროგრამაზე მიღების გამოცხადების შესახებ ბსუ-ს რექტორის ბრძანების №1 დანართი);
 - ბ) უმაღლესი სამედიცინო განათლების დამადასტურებელი დოკუმენტი (დიპლომის ნოტარიულად დამოწმებული ასლი ან ცნობა);
 - გ) მაძიებლის მოწმობის ნოტარიულად დამოწმებული ასლი (ან ცნობა) ან დამოუკიდებელი საექიმო საქმიანობის სერტიფიკატი შემდეგ სპეციალობაში: „თერაპიული სტომატოლოგია“ ან „ორთოპედიული სტომატოლოგია“ ან „ყბა-სახის ქირურგია“;
 - დ) ავტობიოგრაფია (CV);
 - ე) ფოტოსურათი, ზომით 3x4 – 2 ცალი;
 - ვ) პირადობის დამადასტურებელი მოწმობის ასლი.
3. კონკურსანტის სააპლიკაციო განცხადება და დოკუმენტაცია **წარმოდგენილი უნდა იქნეს 2026 წლის 21 ივლისიდან 28 ივლისის** ჩათვლით (გარდა შაბათ-კვირისა), 10:00 სთ–დან 17:00 სთ–მდე პერიოდში (აპლიკანტი უფლებამოსილია შესავსები სააპლიკაციო განაცხადის ფორმა ჩამოტვირთოს ბსუ-ს ვებგვერდიდან, შეავსოს და წარმოადგინოს (გამოაგზავნოს) ელექტრონულად, მისამართზე: info@bsu.edu.ge ან წარმოადგინოს მატერიალური სახით, ბსუ-ს საქმისწარმოების სამსახურში (კანცელარია), შემდეგ მისამართზე: ქ. ბათუმი, ნინოშვილის ქ. №35, ბსუ-ს №1 კორპუსი, 1-ელი სართული, ოთახი №1).
4. გამარჯვებული კონკურსანტი გამოვლინდება საკვალიფიკაციო გამოცდაზე მიღებული ქულების და ბსუ-ს **საკონკურსო კომისიასთან გასაუბრების შედეგების** ან/და დამატებით, საკონკურსო კომისიის მიერ განსაზღვრული გამოცდის (სპეციალობაში ჩატარებული ტესტირების) შედეგების გათვალისწინებით - **2026 წლის 29 ივლისი** (ზუსტი დრო და ადგილი ეცნობება კონკურსანტებს ერთი დღით ადრე).

5. კონკურსის შედეგების გამოქვეყნება ბსუ-ს ვებგვერდზე (კონკურსანტთა ინფორმირება) – 2026 წლის **29 ივლისი**;
6. გამარჯვებულ კონკურსანტებთან **ხელშეკრულებების გაფორმება - 2026 წლის 30 ივლისი** (გამარჯვებული კონკურსანტი ვალდებულია ხელშეკრულების გასაფორმებლად გამოცხადდეს ფაკულტეტის ადმინისტრაციის მიერ განსაზღვრულ დროს და ადგილზე და თან წარმოადგინოს მის მიერ წარმოდგენილი საკონკურსო დოკუმენტაცია, მატერიალური სახით).
7. **პროგრამაზე სწავლის საფასური შეადგენს - 17 600 ლარს** (ყოველთვიურად გადასახდელი თანხა - **800 ლარი**), მათ შორის პროგრამაზე ჩარიცხვის ბრძანების გამოცემამდე გადახდილი უნდა იქნეს 2 თვის სწავლის საფასური, ხოლო მომდევნო თვიდან, ბსუ-ს ადმინისტრაციის ხელმძღვანელის ბრძანებით დამტკიცებული სწავლის საფასურის გადახდის წესის შესაბამისად).
8. სწავლის საფასური გადახდილი უნდა იქნეს შემდეგ რეკვიზიტებზე: მიმღების ბანკი - სახელმწიფო ხაზინა; მიმღების დასახელება - ხაზინის ერთიანი ანგარიში; ბანკის კოდი - TRESGE 22; მიმღების ანგარიში/სახაზინო კოდი - 7 0901 7289 (დანიშნულებაში მიეთითოს სარეზიდენტო პროგრამა „ორთოდონტია“).
9. პროგრამაზე ჩარიცხვის შესახებ ბსუ-ს რექტორის ბრძანება გამოიცემა გამარჯვებულ კონკურსანტებთან ხელშეკრულებების გაფორმების შემდეგ (არაუგვიანეს 2026 წლის **31 ივლისი**).
10. პროგრამაზე სასწავლო პროცესი დაიწყება 2026 წლის 3 აგვისტოს.

იხილეთ თანდართული დოკუმენტები:

1. ბსუ-ს რეზიდენტურის ალტერნატიული დიპლომის შემდგომი განათლების (პროფესიული მზადების) სარეზიდენტო პროგრამაზე „ორთოდონტია“ მიღების გამოცხადების შესახებ ბსუ-ს რექტორის ბრძანება;
2. სააპლიკაციო განაცხადის ფორმა სარეზიდენტო პროგრამაზე „ორთოდონტია“ ჩარიცხვის მსურველისათვის - დანართი №1